



**TEKS UCAPAN
YB DATO' KAYA SETIA
SETIAUSAHA KERAJAAN KELANTAN**

SEMPENA

**MAJLIS PERUTUSAN KHAS MENTERI BESAR
BERSAMA PENJAWAT AWAM NEGERI KELANTAN
SEMPENA SAMBUTAN 29 TAHUN PENTADBIRAN
MEMBANGUN BERSAMA ISLAM**

22 SAFAR 1441H / 21 OKTOBER 2019 (ISNIN)

8.30 PAGI

DEWAN JAMUAN UTAMA, KOMPLEKS KOTA DARULNAIM

ASSALAMUALAIKUM WARAHMATULLAHI WABARAKATUH

BISMILLAHIR RAHMANIR RAHIM

SALUTATION

1. **SEGALA PUJI-PUJIAN HANYA LAYAK DITUJUKAN KEPADA ALLAH S.W.T., TUHAN YANG MEMILIKI SEKELIAN ALAM INI.**
2. **SELAWAT DAN SALAM DITUJUKAN KEPADA NABI MUHAMMAD S.A.W., AHLI KELUARGANYA DAN PARA SAHABATNYA.**
3. **TERIMA KASIH SAUDARA PENGERUSI MAJLIS.**

4. **YANG AMAT BERHORMAT USTAZ DATO' BENTARA
KANAN, MENTERI BESAR KELANTAN**

5. **YANG BERHORMAT DATO' HAJI MOHD AMAR BIN
HAJI NIK ABDULLAH, TIMBALAN MENTERI BESAR
KELANTAN**

6. **YANG BERHORMAT DATO' HAJI ABDULLAH BIN
YAKOB, SPEAKER DEWAN NEGERI KELANTAN**

7. **YANG BERHORMAT DATO' SHAHIDANI BIN ABDUL
AZIZ, PENASIHAT UNDANG-UNDANG NEGERI
KELANTAN**

8. **YANG BERHORMAT DATO' AHMAD ROBERT BIN ABD
RAHIM, PEGAWAI KEWANGAN NEGERI KELANTAN**

9. **YANG BERHORMAT AHLI-AHLI MAJLIS MESYUARAT
KERAJAAN NEGERI KELANTAN**

10. **YANG BERHORMAT AHLI-AHLI DEWAN UNDANGAN
NEGERI DAN AHLI-AHLI PARLIMEN**

11. **YANG MULIA TENGKU KAYA PERKASA, TIMBALAN
SETIAUSAHA KERAJAAN (PEMBANGUNAN) /
PENGARAH UNIT PERANCANG EKONOMI NEGERI
KELANTAN**

12. **YANG MULIA DATO' HAJI TENGKU AZMI BIN
TENGKU JAAFAR, TIMBALAN SETIAUSAHA
KERAJAAN (PENGURUSAN)**

13. **YANG BERBAHAGIA DATO' HAJI ZAMRI BIN ISMAIL,
PENGARAH TANAH DAN GALIAN NEGERI
KELANTAN**

14. **YANG BERBAHAGIA DATO'-DATO',**

15. **YANG AMAT BERUSAHA KETUA-KETUA JABATAN,
KETUA-KETUA JAJAHAN, KETUA-KETUA BADAN
BERKANUN DAN KETUA-KETUA AGENSI SERTA
SYARIKAT-SYARIKAT BERKAITAN KERAJAAN NEGERI
KELANTAN.**

PENDAHULUAN

16. TERLEBIH DAHULU MARILAH SAMA-SAMA KITA MELAHIRKAN RASA KESYUKURAN KEHADRAT ALLAH S.W.T KERANA DENGAN IZIN DAN LIMPAH KURNIANYA DAPAT KITA BERSAMA-SAMA BERTEMU DAN BERHIMPUN PADA PAGI INI DI MAJLIS PERUTUSAN KHAS MENTERI BESAR KELANTAN BERSAMA PENJAWAT AWAM NEGERI KELANTAN SEMPENA SAMBUTAN 29 TAHUN PENTADBIRAN MEMBANGUN BERSAMA ISLAM.
17. SUKACITA SAYA MENGAMBIL KESEMPATAN INI MENGUCAPKAN RIBUAN TERIMA KASIH DAN MENGALU-ALUKAN KEHADIRAN YANG AMAT BERHORMAT USTAZ DATO' BENTARA KANAN,

MENTERI BESAR KELANTAN SERTA AHLI-AHLI MAJLIS MESYUARAT KERAJAAN NEGERI KELANTAN YANG SENANTIASA MELAPANGKAN MASA UNTUK BERSAMA-SAMA DENGAN PENJAWAT AWAM NEGERI SETIAP KALI ADANYA MAJLIS YANG MELIBATKAN KEHADIRAN BERSAMA DI ANTARA KERAJAAN DAN PEJAWAT AWAM DILAKSANAKAN.

- 18. INI ADALAH MERUPAKAN SATU GAMBARAN YANG JELAS BAHAWA KERAJAAN NEGERI DAN PEGAWAI PERKHIDMATAN AWAM NEGERI MEMPUNYAI HUBUNGAN DAN KERJASAMA YANG ERAT SERTA SENTIASA BERSAMA DALAM MEMBANGUNKAN NEGERI KELANTAN INI DEMI KESEJAHTERAAN RAKYAT.**

19. PADA PAGI INI KITA AKAN SAMA-SAMA MENDENGAR AMANAT YANG AKAN DISAMPAIKAN OLEH YANG AMAT BERHORMAT USTAZ DATO' BENTARA KANAN, MENTERI BESAR KELANTAN SEBAGAI PANDUAN KEPADA SEMUA PENJAWAT AWAM NEGERI KELANTAN BERSEMPENA DENGAN SAMBUTAN 29 TAHUN PENTADBIRAN KERAJAAN MEMBANGUN BERSAMA ISLAM.

20. DATO'-DATO' DAN HADIRIN SEKALIAN,

PELAN STRATEGIK KELANTAN MELANGKAH KE
HADAPAN (2016 - 2025)

**21. SEBAGAIMANA SEDIA MAKLUM, PELAN STRATEGIK
KELANTAN MELANGKAH KEHADAPAN (2016-2025)**

**MERUPAKAN SATU MANIFESTASI KEPADA
PERANCANGAN DAN PELAKSANAAN KERAJAAN
NEGERI BERLANDASKAN KONSEP MEMBANGUN
BERSAMA ISLAM DAN DIRANGKA BERTERASKAN
KEPADA TIGA TONGGAK UTAMA KEBERKATAN,
KEMAKMURAN DAN KEBAJIKAN.**

**22. SAYA INGIN MENARIK PERHATIAN KHUSUSNYA
KETUA-KETUA JABATAN DAN AGENSI NEGERI**

SUPAYA MENJADIKAN PELAN INI SEBAGAI PANDUAN DAN RUJUKAN UTAMA PENTADBIRAN DAN PEMBANGUNAN KE ARAH MENCAPAI VISI DAN MISI KERAJAAN NEGERI MENJELANG 2025.

23. SAYA JUGA MENYERU AGAR SEMUA PENJAWAT AWAM NEGERI DI SEMUA PERINGKAT MENGAMBIL PERHATIAN SERTA MEMBERI SOKONGAN PADU DALAM PELAKSANAAN PELAN INI. SEMUA INI AKAN TERLAKSANA DENGAN WUJUDNYA PERSEFAHAMAN DAN KERJASAMA BAIK YANG TERJALIN DI ANTARA SEMUA PEGAWAI DAN KAKITANGAN AWAM.

24. DATO'-DATO' DAN HADIRIN SEKALIAN,

PRESTASI KEWANGAN DAN PERBELANJAAN

MENGURUS

- 25. PRESTASI KEWANGAN KERAJAAN NEGERI SEHINGGA 15 OKTOBER 2019 MENUNJUKKAN DEFISIT AKAUN SEMASA SEBANYAK RM2.46 JUTA BERBANDING TEMPOH YANG SAMA TAHUN 2018 SEBANYAK RM50.87 JUTA. JUMLAH KUTIPAN HASIL ADALAH SEBANYAK RM398.21 JUTA, IAITU MENINGKAT SEBANYAK RM10.68 JUTA ATAU 2.75% MANAKALA JUMLAH PERBELANJAAN MENGURUS ADALAH SEBANYAK RM400.67 JUTA.**

26. HASIL UTAMA PADA TAHUN 2019 DISUMBANGKAN OLEH HASIL TANAH SEBANYAK RM146.79 JUTA ATAU 36.86% DARIPADA KESELURUHAN HASIL SEBENAR YANG DIKUTIP. HASIL TANAH SEBAHAGIANNYA DISUMBANGKAN OLEH:

- a) HASIL PREMIUM TANAH SEBAHAGIAN BESARNYA DISUMBANGKAN OLEH KELULUSAN OLEH PIHAK BERKUASA NEGERI BAGI PERMOHONAN MILIK TANAH KERAJAAN KEPADA PESURUHJAYA TANAH PERSEKUTUAN BERJUMLAH RM26.81 JUTA; DAN**
- b) HASIL CUKAI TANAH YANG DIBAYAR OLEH PESURUHJAYA TANAH PERSEKUTUAN SEBANYAK RM33.31 JUTA DAN MASIH LAGI**

**TERDAPAT TUNGGAKAN YANG BELUM
DIBAYAR.**

**27. MANAKALA HASIL HUTAN TELAH MENINGKAT
SEBANYAK RM11.71 JUTA ATAU 14.29% KEPADA
RM93.61 JUTA BERBANDING TAHUN 2018.
PENINGKATAN KETARA HASIL HUTAN
DISUMBANGKAN OLEH:**

**α) BAYARAN GANTIRUGI DAN PAMPASAN
JABATAN HUTAN SEBANYAK RM23.25 JUTA
ATAU PENINGKATAN SEBANYAK RM16.31 JUTA
ATAU 235% BERBANDING TEMPOH YANG
SAMA TAHUN 2018**

28. SEHINGGA 15 OKTOBER 2019, TERDAPAT PENURUNAN JUMLAH PERBELANJAAN MENGURUS SEBANYAK RM37.74 JUTA ATAU 8.6% BERBANDING TAHUN 2018 YANG TERDIRI DARIPADA PERBELANJAAN TANGGUNGAN DAN PERBELANJAAN BEKALAN.

29. OBJEKTIF KEWANGAN KERAJAAN NEGERI KELANTAN TAHUN 2019 ANTARANYA ADALAH UNTUK MENINGKATKAN PENDAPATAN HASIL NEGERI DAN MEMASTIKAN PENGAWALAN PERBELANJAAN DI SEMUA JABATAN KERAJAAN NEGERI DILAKSANAKAN DENGAN CEKAP DAN BETUL, SEKALIGUS MENGURANGKAN JUMLAH DEFISIT AKAUN SEMASA NEGERI. JUSTERU ITU PENTADBIRAN DI KERAJAAN

NEGERI PERLU MERANGKA STRATEGI YANG LEBIH BERKESAN BAGI BERGERAK SEIRING DENGAN PERKEMBANGAN SEMASA EKONOMI NEGARA DENGAN MEMPERTINGKATKAN KECEKAPAN PENGURUSAN KEWANGAN, MENTRANSFORMASIKAN PENGURUSAN PUNGUTAN HASIL DAN MENEKANKAN PERBELANJAAN BERHEMAH KE ATAS PERBELANJAAN KERAJAAN NEGERI.

30. DATO'-DATO' DAN HADIRIN SEKALIAN,

TAHUN MELAWAT KELANTAN 2020

31. SEKTOR PELANCONGAN MERUPAKAN ANTARA SEKTOR UTAMA DAN TERPENTING DALAM

**MENJANA PERTUMBUHAN EKONOMI DI SELURUH
DUNIA.**

- 32. BERSESUAIAN DENGAN SAMBUTAN TAHUN
MELAWAT KELANTAN 2020 PELBAGAI PROGRAM
DAN ACARA TELAH DISUSUN SELARAS DENGAN
KEPERLUAN SEMASA. MALAH PELBAGAI RANGKA
PROMOSI TELAH DAN SEDANG BERJALAN
ANTARANYA ADALAH KERJASAMA DI ANTARA
KERAJAAN NEGERI & LADUNI SERVICES SDN.
BHD. UNTUK PROJEK PESAWAT LIVERY AIR ASIA
BAGI MENZAHIRKAN KOMITMEN KERAJAAN
NEGERI DALAM MEMPROMOSIKAN TAHUN
MELAWAT KELANTAN 2020 DAN
MENGETENGAHKAN NEGERI KELANTAN KE**

PERSADA ANTARABANGSA. FIRMA PERUNDING STRATEGIC MEDIA PENGIKLANAN BERSAMA AIR ASIA INI AKAN MEMBANTU MENGIKLANKAN LAGI NEGERI KELANTAN SECARA MENYELURUH DENGAN MENGGUNAKAN ASET PESAWAT AIRASIA SEPERTI AIRCRAFT LIVERY, INFLIGHT ADVERTISEMENT TERMASUK LUGGAGE COMPARTMENT, MEAL TRAY BACK, MAGAZINE TRAVEL 360, PORTEL INTERNET ROCKEY DAN JUGA ADVERTISEMENT DI KLIA2 GATEWAY IAITU FLAGPOLE DIGITAL SCREEN YANG DAPAT DIPAMERKAN KEPADA SELURUH PENGUNJUNG YANG MENGGUNAKAN KLIA@ YANG DIANGGARKAN SERAMAI 33 JUTA ORANG PENGGUNA SETAHUN.

- 33. JUSTERU DENGAN TEMA I LOVE KELANTAN ATAU KELANTAN DI HATI DENGAN ELEMEN FAMILY, FOOD & FESTIVAL (3F) YANG MEMBAWA MAKSUD PELANCONG DATANG BERSAMA KELUARGA BAGI MENIKMATI MAKANAN DAN MENYAKSIKAN PELBAGAI ACARA DAN FESTIVAL MENARIK DI NEGERI CIK SITI WAN KEMBANG AKAN MENCAPAI OBJEKTIF PENGANJURAN TAHUN MELAWAT KELANTAN 2020 DI SAMPING MEMBANTU PEMBANGUNAN EKONOMI MASYARAKAT SETEMPAT.**

34. DATO'-DATO' DAN HADIRIN SEKALIAN,

INTEGRITI PENJAWAT AWAM

35. SEPERTI SEMUA SEDIA MAKLUM, RASUAH MERUPAKAN ISU KRITIKAL YANG PERLU DITANGANI SECARA SISTEMATIK DAN MENYELURUH. PENJAWAT AWAM ADALAH GOLONGAN YANG BERISIKO TINGGI TERHADAP RASUAH KHUSUSNYA BAGI MEREKA YANG TERLIBAT DALAM PELAKSANAAN KEPUTUSAN DAN PEROLEHAN KERAJAAN.

36. WALAUPUN PADA TAHUN 2018 TIADA KES RASUAH YANG DILAPORKAN MELIBATKAN PENJAWAT AWAM NEGERI DAN PIMPINAN KERAJAAN NEGERI

OLEH SPRM, KERAJAAN SENTIASA BERUSAHA MEMPERKUKUHKAN DAN MEMBUDAYAKAN INTEGRITI DI KALANGAN PENJAWAT AWAM. PELBAGAI PROGRAM YANG TELAH DILAKSANAKAN SEPANJANG TAHUN 2019. ANTARA PROGRAM PENGUKUHAN INTEGRITI YANG DIADAKAN TERMASUKLAH SEMINAR PENGUKUHAN INTEGRITI KEPADA AHLI DEWAN UNDANGAN NEGERI DAN AHLI PARLIMEN.

- 37. SELAIN ITU JUGA PEJABAT SUK KELANTAN SEDANG MEMBANGUNKAN PELAN ANTIRASUAH NEGERI KELANTAN SELARAS DENGAN PELAN ANTIRASUAH NASIONAL YANG TELAH DILANCARKAN OLEH YAB**

**PERDANA MENTERI PADA 29 JANUARI 2019 YANG
LALU.**

- 38. PELAN ANTIRASUAH NEGERI KELANTAN INI
BERTUJUAN MENYEDIAKAN HALATUJU DAN
KERANGKA TINDAKAN PENCEGAHAN RASUAH
YANG BERSTRUKTUR DAN JELAS DI SAMPING
MENINGKATKAN INTEGRITI DAN AKAUNTABILITI
DALAM PENTADBIRAN KERAJAAN SEKALIGUS
MENGURANGKAN AMALAN RASUAH,
PENYELEWENGAN DAN SALAHGUNA KUASA
SEKALIGUS DAPAT MENGURANGKAN KETIRISAN
DAN MENINGKATKAN HASIL KERAJAAN.**

39. DENGAN SOKONGAN PELAN STRATEGIK KELANTAN MELANGKAH KEHADAPAN DAN KOD ETIKA PENJAWAT AWAM NEGERI KELANTAN (UBUDIYYAH, MASYU'LLIAH DAN I'TQAN), SAYA YAKIN USAHA MENBENDUNG GEJALA RASUAH DAN INTEGRITI AKAN TERCAPAI DAN MENGEKALKAN TIADA KES RASUAH DI KALANGAN PENJAWAT AWAM DI NEGERI INI.

40. DATO' -DATO' DAN HADIRIN SEKALIAN,

PENCAPAIAN PENTADBIRAN SEKTOR AWAM

41. KECEMERLANGAN PENGURUSAN PENTADBIRAN SEKTOR AWAM KINI ADALAH BERDASARKAN INDIKATOR TERTENTU YANG BERASASKAN KEPADA

PROGRAM-PROGRAM PENGUKURAN KUALITI DAN PRESTASI YANG DINILAI OLEH AGENSI KERAJAAN PERSEKUTUAN DAN JUGA NEGERI. SAYA AMAT MENGAMBIL BERAT PENCAPAIAN AGENSI KERAJAAN NEGERI BAGI PROGRAM-PROGRAM PENILAIAN PRESTASI YANG TELAH DILAKSANAKAN SETIAP TAHUN.

42. MELALUI PENILAIAN YANG DIJALANKAN OLEH JABATAN AUDIT NEGARA, SEBANYAK 7 JABATAN DAN AGENSI NEGERI TELAH MENDAPAT PENCAPAIAN LIMA BINTANG DALAM PENARAFAN INDEKS AKAUNTABILITI PENGURUSAN KEWANGAN PADA TAHUN 2018. SAYA MENGUCAPKAN SYABAS KEPADA 7 JABATAN DAN AGENSI BERKENAAN

IAITU PEJABAT MENTERI BESAR DAN PEJABAT SETIAUSAHA KERAJAAN NEGERI KELANTAN, PEJABAT TANAH DAN JAJAHAN BACHOK, PEJABAT PEMBANGUNAN NEGERI, JABATAN KEHAKIMAN SYARIAH, PERBADANAN PEMBANGUNAN LADANG RAKYAT, JABATAN PENGAIRAN DAN SALIRAN NEGERI DAN JABATAN AIR NEGERI.

43. PEJABAT SETIAUSAHA KERAJAAN NEGERI KELANTAN JUGA BERJAYA MENGEKALKAN PENCAPAIAN CEMERLANG DALAM ANUGERAH KECEMERLANGAN PETUNJUK PRESTASI UTAMA (KPI) HRMIS BAGI PENCAPAIAN 100 PERATUS TIGA TAHUN BERTURUT-TURUT BERMULA TAHUN 2016, 2017 DAN 2018.

44. PADA BULAN OGOS YANG LEPAS, PEJABAT SUK KELANTAN TELAH DIANUGERAHKAN SIJIL MS ISO 37001:2016 SISTEM PENGURUSAN ANTIRASUAH OLEH SIRIM. SISTEM INI DIWUJUDKAN BERTUJUAN UNTUK MEMASTIKAN SISTEM PENGURUSAN DAN PENTADBIRAN PEJABAT SUK KELANTAN DILAKSANAKAN DENGAN SEMPURNA MELALUI PEMBUDAYAAN AMALAN BERINTEGRITI, TRANSPARENSI DAN SENTIASA PATUH KEPADA UNDANG-UNDANG SERTA PERATURAN DI KALANGAN WARGA KERJA.

45. PADA TAHUN INI JUGA, KERAJAAN NEGERI KELANTAN BERJAYA MEREALISASIKAN PENUBUHAN BAHAGIAN KORIDOR INFRASTRUKTUR DAN SISTEM

MAKLUMAT GEOSPATIAL NEGERI KELANTAN. OBJEKTIF UTAMA BAHAGIAN INI ADALAH BAGI MENYELARAS TINDAKAN UNTUK MENGAWAL PELAKSANAAN PERKHIDMATAN UTILITI SUPAYA TERANCANG, TERSUSUN DAN BERSISTEMATIK. PENUBUHAN BAHAGIAN INI AKAN MENYUMBANGKAN HASIL KEPADA KERAJAAN MELALUI PENGENAAN CAJ PENYELENGGARAAN KEPADA PENYEDIA-PENYEDIA PERKHIDMATAN UTILITI. PENUBUHAN BAHAGIAN INI JUGA DIHARAP DAPAT MENYELESAIKAN ISU-ISU BERKAITAN KORIDOR INFRASTRUKTUR UTILITI BAWAH TANAH ANTARANYA ISU PERMOHONAN DAN KELULUSAN, ISU PEMBINAAN BARU, ISU PEMANTAUAN DAN ISU KETIADAAN PANGKALAN DATA.

46. DIKESEMPATAN INI SAYA MENGUCAPKAN TAHNIAH DAN SYABAS KEPADA JABATAN DAN AGENSI NEGERI YANG TELAH MENCAPAI TAHAP KECEMERLANGAN TERSEBUT. PENCAPAIAN INI MERUPAKAN SATU PENANDA ARAS KEPADA PIHAK KERAJAAN NEGERI UNTUK MENGEKALKAN KECEMERLANGAN PADA MASA YANG AKAN DATANG DAN SAYA BERHARAP AGAR LEBIH BANYAK JABATAN/AGENSI YANG MENDAPAT PENGIKTIRAFAN CEMERLANG PADA SETIAP TAHUN.

47. DATO'-DATO' DAN HADIRIN SEKALIAN,

PENUTUP

48. SEBELUM SAYA MENGAKHIRI UCAPAN INI, MARILAH SAMA-SAMA KITA BERDOA DAN BERGANDING BAHU AGAR SEMUA CABARAN-CABARAN YANG BAKAL KITA HARUNGI NANTI AKAN DAPAT KITA URUSKAN SEBAIK MUNGKIN DENGAN PENUH INTEGRITI DAN KOMITED, KREATIF DAN INNOVATIF DALAM MENGHASILKAN IDEA-IDEA BAHARU UNTUK MENINGKATKAN LAGI KUALITI SISTEM PENYAMPAIAN PERKHIDMATAN AWAM DI NEGERI KELANTAN YANG KITA SAYANGI INI.

49. SEKALI LAGI SAYA MERAKAMKAN UCAPAN SETINGGI-TINGGI TERIMA KASIH KEPADA YAB. USTAZ DATO' BENTARA KANAN MENTERI BESAR KELANTAN, YB DATO' TIMBALAN MENTERI BESAR KELANTAN, YB DATO' SPEAKER DEWAN KELANTAN, AHLI-AHLI MAJLIS MESYUARAT KERAJAAN NEGERI KELANTAN, AHLI-AHLI YANG BERHORMAT DAN SEMUA KETUA-KETUA JABATAN DAN HADIRIN-HADIRAT YANG TELAH DAPAT MELAPANGKAN MASA HADIR PADA HARI INI.

50. SAYA SUDAH UCAPAN SAYA INI DENGAN WABILLAH TAUFIK WALHIDAYAH WASSALAMUALAIKUM WARAHMATULLAH WABARAKATUH.